

Масих Иссаны туугъаны

1 Ол кюнледе битеу Рим империяда халкъны жазаргъа Аугустус кесардан буйрукъ чыкъды. 2 Бу биринчи жазыу Кирий Сириягъа башчылыкъ этген кезиуде этилген эди. 3 Сора бары да, хар ким кесини шахарында жазылыргъа бардыла. 4 Аны кибик Юсюп да Дауутну юйюрюнден, аны тукъумундан болгъаны себепли, Галилеяны Назарет шахарындан Иудеягъа, Бейтлехем атлы, Дауутну шахарына барды. 5 Анда аны бла сёз тауусхан Мариям бла жазыллыкъ эди. Мариям а бууаз эди. 6 Ала анда болгъан заманда уа, Мариямны къозлар заманы жетди 7 эм кесини биринчи Уланын тапды. Аны бёлеп, куудушха салды, нек десегиз, алагъа къонакъ юйде жер жокъ эди. 8 Ол къыралда аулакъда сюрюучюле бар эдиле, ала уа кеслерини сюрюулерины къатында кече къыйыр сакълай эдиле. 9 Билмей тургъанлай алагъа Раббийни бир мёлеги кёрюндю эмда Раббийни аламатлыгъы аланы жарытды. Ала бек къоркъдула. 10 Мёлек алагъа: «Къоркъмагъыз! Мен сизге уллу къууанчны билдиреме, ол къууанч а битеу халкъгъа боллукъду: 11 бюгюн сизге Дауутну шахарында Къутхарыучу туугъанды, Ол а Раббий Масихди. 12 Ма сизге белги: сиз Сабийни бёленип, куудушда жатып тургъанлай табарсыз», — деди. 13 Сора билмей тургъанлай мёлек бла кёкдеги кёп аскер кёрюнюп, Аллахха ыспас этип: 14 «Эм бийикледе Аллахха махтау, жер юсюнде Ол ыразы болгъан адамлада ырахатлыкъ!» - деп айта эдиле. 15 Мёлекле аладан кёкге кетген заманда, сюрюучюле бир бирлерине: «Бейтлехемге барайыкъ, анда не болгъан эсе да, Раббий бизге билдиргенни кёрейик», - дедиле. 16 Ала ашыгъып бардыла, анда Мариямны бла Юсюпню эм куудушда жатып тургъан Сабийни тапдыла. 17 Кёргенлеринде уа, Сабийни юсюнден алагъа не билдирилгенин айтдыла. 18 Битеу эшитгенле да сюрюучюлени алагъа айтхан сёзлерине сейирсиндиле. 19 Мариям а бу сёзлени барын да кесини жүрегине салып сакълай эди. 20 Сора сюрюучюле алагъа айтылгъаныча барын да эшитгенлери эм кёргенлери ючюн Аллахха

Ыспас махтау сала, ызларына къайтдыла.